

**KENEJKE TIKTLASOJKAMATISE IN TLAJKUILOJLE XELOJTOK IPAN
MAJTLATLE IUAN NAUE (ART. 14) ON ONKA IPAN UEYE
AMOXTLAYEKANKETL.**

**Ipan majtlatle iuan naue (Art. 14) on onka ipan amoxtlayekanketl ipan in
ixtlauatl, ijkin kinejke manoiykuiloj:**

- Notlasojkamate tla itla ixnonekej on ixkualtsin mapano iuan on tlalchanijke, notase on chanijke ipan on maseuakalpan noike on afromexikalpan.
- On tlajpixkej ipan maseuakalpanmej niman afromexikalpanmej, noyekanase kualtsin intechkopa ichpocakonemej, telpokakonemej iuan souajme.
- Notlasojkamate ika kuajle noyekanase kenejke kijtous on ueye amoxtlayekanketl, niman uelisej on chanijkej kintlalise ipan ueyetlasentlalijle on tlajpixkej ipan kalpanmej, niman yajamej tekitise pampa maka itla ixkualtsin panos.
- On tekitl kinejnemiltise tlajpixkej nopaleusej iuan on tekiuajke ipan ikalpan tlatilanal, niman ompa iuan on tekiuajke ipan to ixtlauakalpan, noijke iuan on tekiuajke ipan ueyekalpan.
- Manomastiya ika on tlin kichiusej on tlajpixkamej, nonejnemiltise ika on tlin kijtous tlajkuilolamoxtle. Ijkon noneke makimatstiakan tlin uelis nochuias, niman noijke tlinon nochuias kuakon onyas tlauejle ipan inkalpan.

Traducción en náhuatl: Mtro. Josué Díaz González

Cel. 7271064413

Correo: josue23tlalco@hotmail.com

Tlalcozotitlán, Mpio. De Copalillo, Gro. Mex.

TLIN NONEKE NEKCHIUAS NIMAN TLIN NEKCHIUAS, NOTLALILIS IPAN ON
TLAXELOJLEJ TLAYEKANKETL ONKA IPAN SE TSONTLE IUAN KAXTOJLE
SEMPOAJLE IPAN SE (LEY 701) KAMPA NOTLAJSOJKAMATE KENEJKE
NOYEKANAJ KALPANMEJ ON NIKAN YEUE IPAN IN IXTLAUATL GUERRERO.

- Ijkon noneke manotlasojkamate kenejke nosetiliya tonemilis, totlajtluan, on chanijke ipan in ixtlauatl Guerrero, on kenejke kinmaktiliya maseuakalpanmej niman on afromexikamej.
- On tlamaktilijle notlasojkamate kampa kenejke timoyekanas ika in:
 - I. kenejke tiknemiliya ti mosentlalis iuan oksekimej, kenejke timoyekanas, kenejke timotekipanos, niman kenejke iuan kanika titlaneltokas.
 - II. nochuias tlin nijtos ipan ueye tlasentlalijle noijke kenejke nochuias kuakon onka tlauejle noche salijtiyas itechkopa on ueye amoxtle, pampa noneke matimosepanitakan niman manotlasojtlakan on souajmej.
- On tlamaktilijle notlasojkamate kenejke maseualnemilistle. Pampa ijkon uelis tikpiyas on tlamaktilijle salijtok itech on ueye amoxtle tlayekanketl, tla ti maseual tlamo noijke tla ti afromexikatl.
- On ueixtok ipan maseaukalpan niman ipan kalpan afromexikatl on euye tlasentlalijle.
- Notlasojkamate on tlamaktilijle, ijkon kenejke noyekanaj ipan kalpanmej, kenejke nochiuiliya kuakon onka tlauejlej. Ijkon, kuakon se o miyekej maseualtin , noijke afromexikatl noteixpantis, itechkopa tekiuajkej in kimastiase kenejke noyekanaj niman kenejke nonotsa.
- Kin tlajtlaniliya manochiuaitikan on ueye tekiuajke, on nomachtiya ueye amoxtle tlayekanketl, kichiuasej tlin kijtous on amoxtle, noijke kitlasojmatise kenejke noyekanaj niman kenejke tlanemiliya ipan maseuakalpanmej niman on afromexikalpanmej.
- Nijtous ika kenejke noyekanaj on maseualtin niman on afromexikamej, ixnoxixikos iuan tlin yonoijkuiloj ipan on ueye amoxtle tlayekanketl on kinejnemiltiya tekiuajkej.
- Ijkon nixmate on ueixtok ipan maseaukalpan niman ipan kalpan afromexikatl on euye tlasentlalijle, kampa nijtous tilonon niman kenejke nochuias.
- Ijkon nixmate kalpanmej, on maseuakalpanmej niman afromexikalpanmej, kenejke touelouan iksan nonotstiaya niman kenejke in tlajkuilol kakta, niman aman kenejke kinejnemiltiya.

- In ixtlauatl Guerrero, tlapaleuis kampa onoke maseualkalpanmej niman afromexikalpanmej, pampa kitas niman kinminauatis on tekiuajkej nomachtiya ueye amoxtlayekanketl, kenejke noyekanaj niman kenejke innemilis.
- On tlajpixkej maseualtin niman on afromexikamej on neuitiya ipan kalpanmej. Kinmixmate ika tlapaleuiane itechkopa on Sistema Estatal de Seguridad Pública.
- Ijkin noneke maneuitikan on tlajpixkamej:
 1. On tlakamej niman souajmej on chanchiua ipan maseaukalpanmej niman afromexikalpanmej, on yokaxiltijke xijtle, niman ixkeman noteixpante.
 2. On tlajpixkamej kintlapeipenise ipan ueye tlasentlalijle on nochiuas in kalpan.
 3. On tlakamej niman souajmej tekiuikase ken tlajpixkamej, xinotlaxtlauilise. Niman yajamej kijtose tla kinektoketl tlapaleuise.
 4. Tla kipiya o kinmaka tepostlatopone kuajle kiktitinemis, niman kixpouas on tlaxelojlej ipan majtakte (Art. 10) on ijkuilojtok ipan ueye amoxtlayekanketl niman ipan okseke amoxtin.

Traducción en náhuatl: Mtro. Josué Díaz González
Cel. 7271064413
Correo: josue23tlalco@hotmail.com
Tlalcozotitlán, Mpio. De Copalillo, Gro. Mex.

NOPEUALTIYA LEY DEL SISTEMA DE SEGURIDAD PÚBLICA IPAN IXTLAUATL GUERRERO.

- Noche tlin nochiuas ipan Seguridad Publica, nopaleuise niman nonotsasej Estado, Federación, entidades, sus municipios, niman maseuakalpanmej niman afromexikalpanmej.
- On Seguridad Pública, nochiualtilis itechkopa on Instituciones Policiales, la Fiscalía General del Estado, Ministerio Público, yajamej nemej kampa teixpantiya.
- Pampa kuajle nomanauis on maktilistle, notas akinon noixpantiya, tla souatl o tlakatl.
- Kuakon notlalis se tlayekchiuajlej itechkopa yakaj, noike notas on tlanemilistle, kenejke no yekanaj maseuakalpanmej niman afromexikalpanmej on chanchiua ipan in ixtlauatl, pampa ompa ualeua on ajmantle, noike notas on ueye amoxtlayekanketl, maka nomakauas, pampa ixnoneke onyas ajmantle itechkopa ichpokakokonej, telpokakokonej, souajmej, maseualtin, ueuetkej, sanken inkalijtik kampa chanchiua ijkon noijke ipan ikalpan o kampa kistinemis.
- On Consejos Municipales de Seguridad Pública, ikin noneke manotlalikan:
 - a) Se tlajpixkej tlayekanketl on kiteneuasej ipan ueye tlasentlalijlej ipan ikalpan.
 - b) Ome kalpantlayekanketl (Comisarias o Comisarios) on kampa kalpantlatilanal kipiya maseuakalpanmej tlamo afromexikalpanmej.

Traducción en náhuatl: Mtro. Josué Díaz González

Cel. 7271064413

Correo: josue23tlalco@hotmail.com

Tlalcozotitlán, Mpio. De Copalillo, Gro. Mex.